

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Broj: 02/12-19-9710/26  
Sarajevo, 04.6.2026. godine

Na osnovu člana 64. stav (1) i člana 70. stav (1), (3) i (6) Zakona o javnim nabavkama BiH („Službeni glasnik BiH“, br. 39/14, 59/22 i 50/24) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i broj 02/12-04-21075/24 od 23.8.2024. godine, a na preporuku Komisije za javnu nabavku radova, Općinski načelnik donosi:

## ODLUKU

**o izboru najpovoljnijeg ponuđača – Izvođenje radova na izgradnji centralnog trga na Dobrinji**

### I

Okvirni sporazum za javnu nabavku – Izvođenje radova na izgradnji centralnog trga na Dobrinji (broj obavještenja 422-1-3-90-3-123/26 objavljeno na Portalu javnih nabavki dana 14.4.2026. godine, Ispravka TD\_IZM1\_422-1-3-90/26 od 29.4.2026. godine i “Službenom glasniku BiH- Oglasnik javne nabavke” br. 27/26) dodjeljuje se ponuđaču "Eko teh" d.o.o. Sarajevo sa ponudom u iznosu od 3.281.955,20 KM bez PDV-a, odnosno 3.839.887,58 KM sa PDV-om.

### II

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

### III

Obavezuje se ponuđač iz tačke I ove Odluke da dostavi dokumentaciju traženu tačkom 3.1.3. tenderske dokumentacije koja se odnose na član 45. stav (2) tačka od a) do d) Zakona. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

## Obrazloženje

Odlukom broj 02/12-19-9710/26 od 13.4.2026. godine Općina Novi Grad Sarajevo pokrenula je otvoreni postupak javne nabavke - Izvođenje radova na izgradnji centralnog trga na Dobrinji, broj obavještenja 422-1-3-90-3-123/26 objavljeno na Portalu javnih nabavki dana 14.4.2026. godine, Ispravka TD\_IZM1\_422-1-3-90/26 od 29.4.2026. godine i “Službenom glasniku BiH- Oglasnik javne nabavke” br. 27/26.

Zapisnikom o otvaranju ponuda od 05.5.2026. godine Komisija je konstatovala da su u predviđenom roku, u propisno upakovanim kovertama, pristigle tri (3) ponude ponuđača: 1. grupa ponuđača „Unigradnja“ d.d. Sarajevo i „Mevludin Commerc“ d.o.o. Sarajevo, 2. “Mibral” d.o.o. Sarajevo, 3. „Eko teh” d.o.o. Sarajevo.

Komisija je pristupila analizi i ocjeni ponuda u skladu sa uslovima iz tenderske dokumentacije. Komisija je utvrdila da ponuda grupe ponuđača „Unigradnja“ d.d. Sarajevo i „Mevludin Commerc“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. (a) tehnička i profesionalna sposobnost – da je ponuđač u protekle tri

godine računajući od naznačenog datuma za predaju ponuda uspješno izvršio najmanje jedan ugovor koji za predmet ugovora ima iste ili slične radove vrijednosti najmanje 1.281.000,00 KM sa PDV-om. Tačkom 3.4.2. (a) propisano je da se navedeno dokazuje na sljedeći način:

a. Lista izvršenih ugovora ponuđača koji su realizovani u protekle tri godine računajući od naznačenog datuma za predaju ponuda sa vrijednostima, datumima i naručiocima radova kao dokaz da je ponuđač uspješno izvršio najmanje jedan ugovor koji za predmet ugovora ima iste ili slične radove vrijednosti najmanje 1.281.000,00 KM sa PDV-om. Uz spisak izvršenih ugovora ponuđač je dužan dostaviti potvrdu za ugovor koji za predmet ugovora ima iste ili slične radove vrijednosti najmanje 1.281.000,00 KM sa PDV-om., koju je izdala ugovorna strana – naručilac radova, a koja obavezno sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede; (original ili ovjerena kopija)

Uvidom u dostavljenu ponudu grupe ponuđača „Unigradnja“ d.d. Sarajevo i „Mevludin Commerc“ d.o.o. Sarajevo konstatovano je da je:

- na stranici 135. je dostavljena potvrda o uspješnoj realizaciji ugovora broj 02/08-19-27111/24 – Izgradnja kružne raskrsnice na spoju ulica Džemala Bijedića, Srđana Aleksića i Velikih drveta. Imajući u vidu dostavljenu dokumentaciju Komisija konstatuje da ponuđač nije dokazao da je uspješno izvršio najmanje jedan ugovor koji za predmet ima iste ili slične radove vrijednosti najmanje 1.281.000,00 KM sa PDV-om, jer se dostavljenom potvrdom ne dokazuje da je grupa ponuđača uspješno izvela radove na popločanju, a imajući u vidu da je najveći dio predmetne javne nabavke izvođenje radova popločanja od granitnih ploča različitih dimenzija na velikoj površini (cca 4000m<sup>2</sup>), a koje se izvodi posebnom tehnologijom sječenja i polaganja. Predmet radova za koje je ponuđač dostavio potvrdu je između ostalog i ugradnja 147 m<sup>2</sup> kamenih kocki 10/10/10 cm prethodno demontiranih. Tehnološki, kao i količinski ovi radovi, kao i drugi radovi koji su predmet dostavljene potvrde ne predstavljaju dokaz da je grupa ponuđača uspješno izvršila iste ili slične radove onima koji su predmet javne nabavke. Osnovni radovi koji su predmet potvrde koje je dostavila grupa ponuđača su asfaltni radovi saobraćajnice/kružnog toka dok su osnovni radovi predmetne javne nabavke kamenorezački radovi sa posebnom tehnologijom i tehnikom ugradnje.

Nadalje, grupa ponuđača „Unigradnja“ d.d. Sarajevo i „Mevludin Commerc“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. (c) tehnička i profesionalna sposobnost - da je ponuđač opremljen neophodnom opremom za obavljanje predmetnih radova: kamion – 1 kom, rovokopač – 1 kom., vibro ploča ili žaba – 1 kom, mašina za sječenje kamena - 1 kom., mašina za vodeno poliranje kamena - 1 kom. Tačkom 3.4.2. (d) propisano je da se navedeno dokazuje na sljedeći način: „Ocjena tehničke i profesionalne sposobnosti ponuđača će se izvršiti na osnovu slijedećih dokaza: d. Dokaz o obezbjeđenosti mehanizacije neophodne za obavljanje predmetnih radova: kamion – 1 kom, rovokopač – 1 kom., vibro ploča ili žaba – 1 kom, mašina za sječenje kamena - 1 kom., mašina za vodeno poliranje kamena - 1 kom.. Ukoliko ponuđač nije vlasnik tražene mehanizacije / mašina dostaviti ugovor o iznajmljivanju (original ili ovjerena kopija), sa ostalom dokumentacijom. Za kamione se dostavlja ovjerena kopija važeće saobraćajne dozvole; a za mehanizaciju / mašine ovjerena kopija važeće saobraćajne ili upotrebne dozvole. Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje (original ili ovjerena kopija).“

Uvidom u dostavljenu ponudu grupe ponuđača „Unigradnja“ d.d. Sarajevo i „Mevludin Commerc“ d.o.o. Sarajevo konstatovano je da je na stranici 160. dostavljen je ugovor o iznajmljivanju opreme - mašina za sječenje kamena i mašina za vodeno poliranje kamena zaključen sa firmom „Rudnik mermera Hreša“ d.o.o. Hreša. Uz predmetni ugovor nisu dostavljena upotrebne dozvole za tražene mašine, a kako je traženo tenderskom dokumentacijom.

Iz naprijed navedenog razloga utvrđeno je da grupa ponuđača „Unigradnja“ d.d. Sarajevo i „Mevludin Commerc“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (a) i (c) – tehnička i profesionalna sposobnost, odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je nadalje utvrdila da dostavljene ponude ponuđača "Eko teh" d.o.o. Sarajevo i „Mibral“ d.o.o. Sarajevo ispunjavaju formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu ponude, te konstatovala računsku grešku kod ponuđača „Eko teh“ d.o.o. Sarajevo. Ponuđač „Eko teh“ d.o.o. Sarajevo je dostavio saglasnost na ispravku računске greške broj 56/ETP-D/26 od 11.5.2026. godine.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 80/23) zakazano održavanje e-aukcije na Portalu javnih nabavki BiH za dan 22.5.2026. godine sa početkom u 14:30 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-90/26 od 25.5.2026. godine, Komisija je utvrdila da konačna rang lista izgleda kako slijedi:

1. „Eko teh“ d.o.o. Sarajevo sa ponuđenom cijenom za okvirni sporazum u iznosu od 3.281.955,20 KM bez PDV-a,
2. „Mibral“ d.o.o. Sarajevo sa ponuđenom cijenom za okvirni sporazum u iznosu od 3.284.783,68 KM bez PDV-a.

U skladu sa članom 10. stav (2) Pravilnika o uslovima i načinu korištenja e-aukcije („Službeni glasnik BiH“ br. 80/23) izvršeno je umanjeње za svaku poziciju tehničke specifikacije za procenat koji iznosi konačno procentualno umanjeње cijene postignute nakon e-aukcije, tako da ponudena cijena za okvirni sporazum ponuđača „Eko teh“ d.o.o. Sarajevo iznosi 3.281.955,20 KM bez PDV-a, odnosno 3.839.887,58 KM sa PDV-om. Ponuđač je putem protokola dana 02.6.2026. godine dostavio saglasnost broj 68/ETP-D/26 na obračun nakon e-aukcije sa ovjerenom svakom stranicom predmjera radova, te je Komisija dala preporuku za zaključenje ugovora.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije

DOSTAVITI:

1. Ponuđačima u postupku
2. U spis
3. Komisija za javne nabavke radova

Općinski načelnik  
mr. Semir Efendić

